

Beste verkenner,

Die TYD het uiteindelik aangebreek om te gaan kamp in die Waterberge op Rhus keeti Avontuurkamp! Daar is 'n paar dinge wat jy sal moet saambring om te deel in die pret...

Heel eerste moet jy die toep ("app") *Discord* aflaai en die QR kode skandeer om deel te wees van die Rhus keeti-kanaal. *Discord* skeep 'n privaat kommunikasiestelsel waar julle in kursusverband met mekaar kan gesels, foto's en video's deel en nog vele meer. Al die inligting wat jy gaan nodig kry om te weet wat aangaan op die kamp sal hierop gedeel word.



Jy wil seker betyds voorberei vir die kamp. Gebruik gerus die lysie om te verseker dat jy die regte dinge in jou tas pak:

- Natuurlik pak jy eerste jou **donkerblou denim en Voortrekker-gholfhemp** in, anders gaan dit maar sukkel-sukkel gaan op ons besondere seremonies;
- Daarna moet jy **klere vir elke dag** saambring – onthou dit kan lekker warm wees deur die dag, maar net so koud in die aande. *Meisies, julle mag geensins spaghetti-bandjie hempies aantrek nie* – ons hou nie van blase op die skouers nie. Sorg dat julle hemde moue het wat die son wegkeer;
- Jy gaan ook jou **handdoek en wasgereedskap** nodig hê om weer skoon te kom;
- Jy moet uitgetrapte **stapskoene** (soos tekkies) saambring. Ons gaan jou nie toelaat om in die veld rond te loop met plakkies nie – geswikte enkels en beserings aan die voete is ongerieflik vir 'n week in die veld;
- Bring maar 'n **reënjass** saam asook genoeg **warm klere**;

- As die water nie val nie, dan skyn die son en dit het **sonbrandroom** nodig;
- Bring maar **musketweermiddel** en gebruik dit gereeld;
- Onthou om jou **eetgerei** in te pak, anders moet jy vir 'n week met jou vingers eet;
- Jou **slaapgoed** is ook belangrik om genoeg rus te verseker - dit raak koud in die nag in die Waterberge. As gevolg van beperkte pakplek vra ons dat geen kampbeddens saamkom nie, maar jy mag wel 'n stapmatras saambring;
- In die nag is dit pikgietswart donker – jy gaan definitief nie jou tent opspoor sonder 'n **flits met genoeg batterye** nie;
- Jou **selfoon** met 'n MTN simkaart – ons het nie opvangs van enige ander diensverskaffer nie;
- 'n **Geheuestokkie** wat genoeg spasie het om die kampfoto's vir jou op te laai;
- Jy moet asseblief **enige kledingstuk/ke** (hoede, broeke, hemde, ens) saambring waarop jy ons kamp se spesiale logo permanent kan druk sodat jy nooit die kamp vergeet nie;
- Jy slaap in jou eie klein **tentjie**, of saam met 'n paar van jou maats – tref asseblief die nodige reëlins onder mekaar;
- Pak ook vir jouself 'n **Wit T-hemp** vir die laaste dag se partytjie in; en
- Volgens die huidige Covid-19 regulasies moet elke persoon die nodige maatreëls tref om hulself (en ander) veilig te hou. Pak dus genoeg **maskers** en **handsaniteringsmiddel (minimum 70% alkohol)** vir die week in. Daar sal oral op die terrein ook handwasgeriewe wees.

Dan is daar nog 'n paar dingetjies waarsonder jy nie sal kan klaar kom by Veldvernuf nie:

- Ou klere vir in die veld warm en koud en ja, jy gaan in die veld rondkruip
- Ordentlike stapskoene
- Waterbottel
- 'n Rugsak waarin jy voorraad en toerusting vir 3 dae in die veld sal kan dra – 'n klein dagsak is nie groot genoeg nie.
- Een of twee grondseile waarmee jy 'n skuiling kan bou - minstens dubbel so groot soos jou slaapsak
- 'n Stewig skerp mes, (knipmes of jagmes) waarmee jy kan skuiling bou en kosmaak
- Een leë 750g koffieblik
- 2 leë 2l koeldrankbottels
- Notaboek en pen
- Swemklere
- Sonbrandroom

- Reënjas of poncho.

Jy kan maar die volgende by die huis los:

- Nikotien en alkohol – klink erg, maar dit sal jou ongelukkig weer op jou pad huistoe stuur en jou ouers gaan nie beïndruk wees met die ekstra rit nie;
- Enige ander dinge waaroor jy dalk gaan skaam kry as jou ouers of offisiere dit by jou kry.

Vervoerreëlings:

Nou ja, as jy klaar ingepak het, moet jy nie TYD verspeel om op die kamp te kom nie. As jou ouers jou self op die kamp gaan aflaai, moet jy asseblief toesien dat julle nie later as 11:30, Sondagoggend 25 April 2021 op die kamp arriveer nie. As julle nie weet hoe om daar te kom nie, volg gerus die skakel:

<https://www.google.com/maps/place/Rhus+keeti+Veld-+en+Avontuurkamp/@-24.353123,28.368253,15z/data=!4m5!3m4!1s0x0:0x67d360bc90ce4cfe!8m2!3d-24.353123!4d28.368253>. Jou ouers kan jou weer Saterdag 1 Mei 2021 om 12:00nm, net na ons laaste seremonie, oplaai.

As jy in die bus spring, moet jy ons asseblief op Sondag 25 April 2021 om 7:30vm by Hoërskool Waterkloof (Pretoria) ontmoet. Onthou asseblief dat spasie beperk is. Die busdiens weier om groot weermagtente en fietse te vervoer. Ons maak gebruik van P. Bier busdiens en die bus is dienooreenkomstig gemerk. Met ons terugkoms van die kamp af, behoort julle so tussen vier en vyf uur weer op dieselfde plek afgelaai te word. Tref asseblief die nodige reëlins met jou ouers om jou weer op te laai.

As jou ouers die kamp dringend moet kontak gedurende die week, kan hulle ons bel by 072 373 4636.

Ten laaste moet jy jousef goed voorberei vir die grootste avontuur van jou lewe! Bring hope en hope energie!

Onthou asseblief dat hierdie kamp onder die reëls en regulasies van Die Voortrekkers: Transvaal geskied en dat dissipline hiervolgens toegepas sal word.

Sien jou een van die dae!!

Voortrekkergroete,

Charl
Kamplier